

Allannguutissatut siunnersuut

uunga

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx 2013-imeersoq

Naalakkersuisut pingajussaarinnissamut saqqummiussaas.

§ 1-imut**1.** Inatsisissatut siunnersuummi nr. 7 ima oqaasertaqassaaq:**”7. § 81, imm. 1, oqaaseqatigiit siulliit ima oqaasertaqassapput:****” Aningaasat unerartitsisussaasatitap qaammatisiutit malillugit qaammammi unerartissimasai qaammatip tulliaata aallaqqaataani akiligassanngussapput, piffissaagallartillugu akiliiffissaq kingulleq tasasalluni qaammatip akiligassanngorfiup tulliani qaammatip ulluisa aallaqqaataat.”****2.** Inatsisissatut siunnersuummi nr. 8 ima oqaasertaqassaaq:**8. § 88, imm. 1, oqaaseqatigiit siulliit aappaallu ima oqaasertaqassapput:****” Iluanaarutisianit akileraarutit unerartitat ingerlatseqatigiiffiup, qaammatip iluanaarutisianik tunniussinissamik pisassanngortitsinissamilluunniit aalajangiiffiusup tulliani kingusinnerpaamik qaammatip ulluisa aallaqqaataanni akileraaruseriffimmut akilissavai. Aningaasaatinik agguaassineqarpat iluanaarutisianit akileraarutit unerartitat, nalunaaqqusilluni killiliussap qaangiunnerata kingorna ullut qulit amerlanerusulluunniit qaangiunneranni qaammatip tulliuuttup kingusinnerpaamik ulluisa aallaqqaataanni akilerneqassapput.”**

Siunnersuummut oqaaseqaatit

Oqaaseqaatit nalinginnaasut

Allannguutissatut siunnersuutip kingunerissavaa akileraarutininik A-nik aamma iluanaarutisianit akileraarutininik akiliinissamut piffissaliussat sulii ullormik ataatsimik sivitsorneqarnissaat.

Sivitsuinissaq teknikkimut tunngasunik pissuteqarpoq. Akiligassaqarfiusup (akileraaruseriffiup) akiligassiissutininik Nets-imut (PBS-iusimasumut) nassiussineraniit ullup akiliiffissap akiligassanngorfissallu tamatigut qaammammi tullermi pisarnissaa Nets-ip atugaraa. Taamaalilluni piffissaagallartillugu akiliinissamut piffissaliussaq siusinnerpaamik tassaasinnaavoq, akileraaruseriffiup akileraarutininik A-nik akiliisitseqqusilluni Nets-imik qinnuiginninnerata kingorna qaammatip tulluuttup ulluisa aallaqqaataat.

Inatsisissatut siunnersuutip aningaasatigut kingunerisassaani naliinerup allanngortinneqarnissaa sivitsuinissap pisariaqalersinngilaa.

Aalajangersakkanut ataasiakkaanut oqaaseqaatit

Nr. 1-imut 2-mullu

Akileraarutininik A-nik aamma iluanaarutisianit akileraarutininik akiliinissamut piffissaliussap ullut aq-qanillit missaannik sivitsorneqarnissaa siunnersuutigineqarpoq. Taamaalilluni piffissaagallartillugu akiliinissamut piffissaliussaq kingulleq tassaalissaaq qaammatip akiligassanngorfissap kingorna qaammatip ulluisa aallaqqaataat.